



Bosna i Hercegovina
Federacija Bosne i Hercegovine
Kanton Sarajevo
OPĆINA VOGOŠĆA
OPĆINSKI NAČELNIK

**Služba za privredu, integrisani lokalni razvoj
i društvene djelatnosti**



Vogošća, ul. Jošanička br. 80, tel: 00387 33 586-420 i 586-422

Broj: 03-42-1193/25

Vogošća, 03.06.2025. godine

Na osnovu člana 15. stav 1. tačka 2. Zakona o principima lokalne samouprave u Federaciji Bosne i Hercegovine („Službene novine Federacije BiH“ br.49/06 i 51/09), čl. 71. i 125. Statuta Općine Vogošća – („Službene novine Kantona Sarajevo“, broj 27/14 – Prečišćeni tekst i 14/15, 9/20 i 23/24), člana 3. Pravilnika o uslovima, načinu i kriterijima za dodjelu sredstava vjerskim zajednicama, a u vezi sa Odlukom o načinu primjene Smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine broj: 02-02-575/25 od 15.04.2025. godine, Općinski načelnik objavljuje:

JAVNI POZIV za dodjelu sredstva vjerskim zajednicama iz Budžeta Općine Vogošća

I PREDMET POZIVA

Ovaj program planiran je u okviru Strategije razvoja Općine Vogošća i to:

- Strateški cilj 2.- Unaprijediti društveni život stanovništva stvaranjem uslova za društveno-ekonomski rast, dostupnost i visok kvalitet svih javnih servisa;

U cilju unapređenje društvene kohezije, očuvanje kulturno-historijskog naslijeđa i podrška aktivnostima koje doprinose općem dobru kroz djelovanje vjerskih zajednica u lokalnoj zajednici u Budžetu Općine Vogošća planirana su sredstva u iznosu od 80.000,00 KM za izgradnju, sanaciju i vanjsko uređenje vjerskih objekata, a 20.000,00 KM za projekte vjerskih zajednica.

Sredstva koja se dodjeljuju po ovom Javnom pozivu ne predstavljaju državnu pomoć u smislu Zakona o sistemu državne pomoći u BiH, odnosno ovim Javnim pozivom se neće finansirati aktivnosti gospodarskih subjekata koji obavljaju ekonomsku djelatnost na tržištu.

II USLOVI ZA UČEŠĆE NA JAVNOM POZIVU

Sredstva u okviru ovog Javnog poziva dodjeljuju se vjerskim zajednicama koje imaju sjedište ili izgrađene vjerske objekte na području Općine Vogošća i to:

1. Institucijama IZ u BiH – Medžlis IZ Sarajevo;
2. Institucijama Katoličke crkve u BiH – Vrhbosanska nadbiskupija;
3. Institucijama SPC u BiH - Mitropolija Dabrobosanska;

Izuzetno od navedenog sredstva se mogu dodijeliti i vjerskim zajednicama koje nisu na području Općine, ali su od značaja za redovno obavljanje vjerskih obreda lokalnog stanovništva.

Sredstva se mogu dodijeliti za:

- a) građevinsko – zanatske radovi, sanacije, ili rekonstrukcije postojećeg vjerskog objekta ili dijela objekta, kao i izgradnja – dogradnja novog objekta ili dijela objekta;
- b) organizacija vjerskih praznika, blagdana, manifestacija, vjersko – kulturnih i prosvjetnih događaja, tribina, okruglih stolova, te raznih oblika i vidova prezentiranja stvaralaštva vjerske zajednice, kao i štamparsko – izdavačke, prevodilačke aktivnosti, režijske troškove i druge aktivnosti.

Prednost za dodjelu sredstava kapitalnog granta imaju vjerski objekti sa područja Općine Vogošća, te oronuli, dotrajali objekti koji imaju status kulturno historijskog naslijeđa ili su pod zaštitom države, kao i objekti čije stanje ugrožava sigurnost imovine i lica.

Ukoliko neka od vjerskih zajednica ne dostavi svoje zahtjeve na Javni poziv Služba može predložiti preraspodjelu sredstva na druge vjerske zajednice, u skladu sa dostavljenim zahtjevima.

Na osnovu ovog Pravilnika sufinansirati/finansirati će se aktivnosti koje se implementiraju tokom godine za koju je raspisan Javni poziv.

Napomena:

Služba neće razmatrati zahtjeve za dodjelu novčanih sredstava onim vjerskim zajednicama koje nisu u skladu sa Odlukom o izvršenju budžeta Općine dostavile izvještaj o utrošku novčanih sredstava za prethodnu godinu.

Služba neće razmatrati zahtjeve čija vrijednost prelazi iznos ukupno planiranih sredstava u Budžetu za ove namjene bez dokaza o obezbjeđenju dodatnih sredstava od strane drugih donatora.

III POTREBNA DOKUMENTACIJE

- a) Zahtjev za dodjelu sredstava - detaljno obrazložen, sa preciznim informacijama o projektu, sa predmjerom i predračunom radova, planiranim aktivnostima, namjeni sredstava (sanacija, rekonstrukcija, druga namjena),
- b) Potrebne dozvole i saglasnosti (urbanističke, građevinske, i sl.) ukoliko se radi o radovima koji podrazumijevaju ovakvu vrstu dokumentacije,
- c) Dokaz o obezbjeđenju dijela sredstva (ukoliko su u pitanju građevinski radovi vrijednosti preko 80.000 KM),
- d) Uz zahtjev za dodjelu sredstva za programske aktivnosti, vjerske zajednice su dužne dostaviti projekat sa kojim apliciraju za novčanu podršku, odnosno navesti naziv projekta, cilj, aktivnosti, planirano vrijeme realizacije, očekivani broj učesnika, mjesto realizacije, budžet planiranih aktivnosti sa jasno definisanim budžetskim stavkama i pojedinačnim iznosima.
- e) Ukoliko se zahtjev odnosi na sufinansiranje režijskih troškova potrebno je dostaviti projekciju troškova na godišnjem nivou za svaku komunalnu uslugu pojedinačno.
- f) Bankovna instrukcija za plaćanje (potvrda o broju tekućeg računa vjerske zajednice).

IV IZNOS SREDSTVA

Iznos sredstva koji će se dodjeljivati vjerskim zajednicama za kapitalne projekte je minimalno 5.000,00 KM, a maksimalno 20.000,00 KM po projektu, a za tekuće programe i aktivnosti minimalan iznos je 1.000,00 KM, a maksimalan iznos je 10.000,00 KM.

Ukoliko je iznos aktivnosti manji od gore navedenih iznosa, Općina će finansirati stvarne troškove aktivnosti.

V ROKOVI ZA PODNOŠENJE PRIJAVE NA JAVNI POZIV

Javni poziv se objavljuje na web stranici Općine, i ostaje otvoren do kraja tekuće godine, odnosno do utroška planiranih sredstva za ovu namjenu.

VI POSTUPAK DODJELE SREDSTAVA

Sredstva po ovom Javnom pozivu dodjeljuju se na osnovu podnesenog zahtjeva vjerskih zajednica, a koji je sastavni dio Javnog poziva. Uz zahtjev je neophodno priložiti traženu dokumentaciju.

Javni poziv raspisuje općinski načelnik putem nadležne Službe, a isti se objavljuje na web stranici Općine i ostaje otvoren do kraja kalendarske godine, odnosno do iscrpljenja sredstva za ovu namjenu.

Zahtjevi se dostavljaju Službi za privredu, integrisani lokalni razvoj i društvene djelatnosti putem protokola Općine ili putem pošte. Služba, nakon razmatranja prijave, općinskom načelniku dostavlja prijedlog za raspodjelu sredstva.

Općinski načelnik donosi konačnu odluku, na osnovu koje se potpisuje Sporazum ili Ugovor o dodjeli sredstava. Na osnovu Sporazuma/Ugovora nadležna služba za finansije vrši isplatu sredstva.

VII MJESTO I NAČIN PODNOŠENJA ZAHTJEVA

Popunjen zahtjev sa potrebnom dokumentacijom podnosi se na protokolu Općine Vogošća svakim radnim danom, ili putem pošte na adresu: Općina Vogošća, Ul. Jošanička br. 80, Vogošća. Sve dodatne informacije u vezi Javnog poziva mogu se dobiti na tel. 033-586-414.

OPĆINSKI NAČELNIK

Migdad Hasanović